



RIVISTA DI MATEMATICA - CAVORETTO (Torino)

G. PEANO

PROFESSORE DE ANALYSE INFINITESIMALE IN UNIVERSITATE DE TORINO



Da unire a quell  
legato al dossier II

- I. De latino sine flexione.
- II. Principio de permanentia.

Opusc. PA-I-1291.

*Ex « Revue de Mathématiques » tomo 8, anno 1903*

June, PA-I-1291-

DE LATINO SINE FLEXIONE

# LINGUA AUXILIARE INTERNATIONALE

Lingua latina fuit internationalis in omni scientia, ab imperio Romano, usque ad finem saeculi XVIII. Hodie multi reputant illam nimis difficultem esse, iam in scientia, magis in commercio.

Sed non tota lingua latina est necessaria; parva pars sufficit ad exprimendam quamlibet ideam.

s m  
48119/1291



83450

### § 1. — *Casus.*

« Nominum casus semper eliminari possunt substitutis in eorum locum particulis quibusdam ».

LEIBNIZ. Ed. Couturat a. 1901, p. 67.

Lingua latina exprimit nominum casus cum praepositionibus « *de*, *ad*, *ab*, *ex*, ... » et cum postpositionibus vel desinentiis. Prima methodus sufficit; ipsa sola invenitur in latino populare, a quo derivant linguae neolatinae, ut italica, franca, hispanica, etc.

Sumimus nomen inflexibile sub forma simpliciore, quae est ablativus, vel nominativus, vel alia.

Indicamus genitivo cum *de*, dativo cum *ad*, ablativo cum *ab*, *ex*, ... Accusativo indicatur cum constructione, ut in linguis neolatinis, scilicet cum serie: nominativo—verbo—accusativo, vel cum serie: *qui*-accusativo—nominativo—verbo.

Vocabulario latino commune continet nominativo et genitivo de nomen. Regula commoda haec est:

- « Sumimus nomen inflexible  
 « a) aut identico ad nominativo,  
 « b) aut nominativo, mutata desinentia -us, -um, -u, -es  
 « in -o, -o, -o, -e,  
 « c) aut genitivo, mutata desinentia -i in -o, -is in -e.  
 « d) ad nominativo *ego*, *tu* responde (ablativo) *me*, *te*. »

Regula a) produce nulla ambiguitate, quae iam non sit in latino.

Regulae b) c) d) brevi exprimunt formatione de ablativo, cum reductione de 4-a declinatione ad 2-a, et cum reductione ad forma unica de 3-a declinatione.

### § 2. — Genere masculino, feminino et neutro.

« Discrimen generis nihil pertinet ad grammaticam rationalem ». LEIBNIZ.

Nomen isolato non habet genere. Quum volumus indicare ille, scribemus explicite “ mas, femina ”.

Ita “ mater est bona ” fit “ mater est femina bono ”; sed idea de femina iam continetur in mater; igitur post simplificatione<sup>(1)</sup>: “ mater est bono ”.

Indicatione de genere evanescit saepe in lingua scientifica.

In lingua familiare sufficit conservare genere in uno pronomen “ is, ea, id ”. Ita “ homo is, homo ea, homo id ” valent in italiano “ l'uomo, la donna, la persona ”.

### § 3. — Numero singulare et plurale.

« Videtur pluralis inutilis in lingua rationali ». LEIBNIZ.

Nomen isolato non habet numero. Ad indicando ille scribemus explicite “ uno, plure ...”

Ex. “ unum os habemus et duas aures ”  
fit “ habemus uno ore, et duo plure aure ”,  
et post simplificatione logico “ uno uno ” = “ uno ”, et “ duo plure ” = “ duo ”, nam “ duo ” continet idea de “ plure ”, propositio fit: “ habemus uno ore et duo aure ”.

Ex. “ Omne homo est mortale, aliquo homo est nigro,  
multo homo est pauper, pauco homo est divite, plure homo est sapiens ”.

Propositione: “ Romani eligebant duo consules ”  
fit “ Populo Romano eligebat duo consule ”.

<sup>(1)</sup> Juxta *Formulaire de Mathématiques* a. 1902, p. 7, Prop. 31·1 et 5·3.

### § 4. — Persona et § 5 Modo de verbo.

“ Personae verborum possunt esse invariables, sufficit variari *ego*, *tu*, *ille*, etc. ”. LEIBNIZ.

Lingua latino habet discurso directo, ut:

“ Amicitia inter malos esse non potest ”  
et discurso indirecto:

“ (Verum est) amicitiam inter malos esse non posse ”.

Si nos utimur semper de discurso indirecto, in verbo evanescit desinentia de persona, qui indicatur cum “ me, te, ille ... ”.

Evanescit etiam modo conjunctivo, qui indicatur cum “ ut, si, quod... ”.

Igitur verbo “ sum, esse ”, ex septem decem et uno (71) forma simplice de latino classico, conservare tantum forma “ es(se), fore, fui(sse), ente, futuro ”.

Per brevitate, et ut nos propinquari ad forma latino, nos supprimere littera inter parenthese (), et scribere radice “ es ” in loco de “ sum, es, est,... esse ”,  
“ fui ” in loco de ‘, fui, fuit,... fuisse ’.

Ex 109 forma simplice de verbo “ amo, amare ”, manere tantum 7:

“ Ama(re), ama-vi(sse), ama-nte, ama-ndo, ama-to, ama-turo, ama-r(i) ” ubi nos supprimere littera inter parenthese () .

Nos appella radicale de verbo, infinito de qui termina in -re, hic infinito post suppressione de desinentia -re. Si post radicale de verbo nos scribere desinentia iam cognito :

“ -vi, -nte, -ndo, -to, -turo, -r ”  
nos forma voce corrisponde-nte de omne verbo.

Ita “ deleo, delere ” habe voce seguente:  
“ dele, dele-vi, dele-nte, dele-ndo, dele-to, dele-turo, dele-r ”.

Verbo deponente fie activo, ut in neolatino. Sic in loco de hortari, vereri, fungi, parti  
me lege:      horta, vere, fungo, parti.

Praeter “ sum, esse ”, exsta tres verbo “ posse, velle, ferre ” infinito de quo non termina in -re; nos linque ille inaltera-to, vel transforma in “ pote, vole, fere ”.

§ 6. — Altero reductione de desinentia de verbo.

Post reductio de § 4-5, verbo habe solo desinentia sequente:  
-vi, -nte, -ndo, -to, -turo, -r.

Sed nullo desinentia es necessario. Nam exsta aequalitate logico:

- 1) lauda-vi = lauda in passato
- 2) lauda-nte = qui lauda
- 3) lauda-ndo = dum lauda
- 4) lauda-to = qui aliquis lauda

(hoc es: " quem aliquis laudat ", juxta regula de § 1)

- 5) lauda-turo = qui lauda in futuro
- 6) Petro lauda-r ab Paulo = Paulo lauda Petro.

Si in loco de primo membro de uno ex hic aequalitate nos  
scribe secundo, omne desinentia evanesce.

Exemplo de reductione 1) et 5). Propositione:

" Heri tibi scripsi, cras proficiscar Romam "

post reductione de § 1-5 fie:

" Me heri scribe-vi ad te, cras es proficisce-turo Roma ".

Post reductione materiale 1) et 5) de hic §, fie:

" Me heri in passato scribe ad te, cras in futuro proficisce Roma ..  
et post simplificatione logico " heri in passato = heri ", etc.:

" Me heri scribe ad te, cras proficisce Roma ".

Etiam Italo dice: " Domani parto per Roma ".

§ 7. — Vocabulario.

Vocabulario latino commune suffice ut nos traduce hic  
lingua. Sed si plure auctore adopta " latino sine flexione ",  
tunc es utile publicatione de proprio vocabulario, qui:

- 1) Contine solum nomen et verbo sub forma inflexibile.
- 2) Contine vocabulo internationale, ut " metro, dyne, ..." .
- 3) Elige suo voce ex toto latinitate, etiam ex latino popu-  
lare. Igitur nos posse sume regula:

« Omne voce qui pertine ad duo lingua neolatino, p. ex.  
italo et franco, es latino ».

- 4) Simplifica derivatione et compositione de vocabulo.

De ultimo subiecto me hic breviter dice.

a) Substantivo diminutivo: " hortulo = parvo horto ", etc.

b) Substantivo abstracto ex adiectivo vale adiectivo. Ex.  
" bonitas = bono ", " altitudo = alto ".

c) Adiectivo qui deriva ab substantivo vale genitivo: " aureo  
= de auro ", " vitulino = de vitulo ", " Romano = de Roma ",  
" chartaceo = ex charta ", " animoso = cum animo ".

d) Substantivo abstracto ex verbo vale verbo.

" Laudatio " = italic " il lodare " = anglo " to laud ",  
vel simpliciter " laud ".

" Vita est cogitatio " fie " vivere est cogitare ", in di-  
scorso indirecto (§ 4) " vivere esse cogitare ", post reductione  
ad radice: " vive es cogita ".

Ita " amor = ama ", " gaudio = gaude ", ...

e) " Lauda-tore = qui lauda ", vel " qui sole lauda ".

f) Adiectivo verbale: " erra-bundo = qui saepe erra ",  
" tim-ido = qui sole time ", " mord-ace = qui sole morde ",  
" ama-bile = qui aliquo posse ama ".

g) Adverbio extracto ex adiectivo vale adiectivo. Ita in  
latino classico " brevi, raro, ..." es adiectivo et adverbio.

h) In modo simile ad " ne-sci, ne-fasto, n-ullo " nos forma:  
" ne-facile = difficile " " ne-digno = indigno " " ne-normale  
= abnormale " " ne-es = de-es " " ne-multo = paucum ", etc.

i) Alio praefixo, p. ex. " ab ", indica oppositione.

j) In modo simile ad " agricola = agro-colente " " homi-  
cilio = homo-caede ", lice scribe: " auro-corona = corona de  
auro ", " me-patre = meo patre ", etc.

Lingua sinense habe omne hic simplificatione, et alio.

Hic simplifica fie utile solo per compila novo vocabulario.

### CONCLUSIONE

Post reductione, qui praecede, nomen et verbo fie inflexi-  
bile; toto grammatica latino evanescere.

Leibniz appella " Lingua rationalis " lingua qui habe base  
rationale supra explica-to. Me muta nomen in " latino ratio-  
nale " vel in nomen plus modesto " latino sine flexione ".

Nam hic lingua es omnino *latino*; nos introduce nullo con-  
ventione novo. Qui cognosce latino, lege hic lingua sine aliquo

explicatione. Qui non cognosce latino, traduce latino rationale cum auxilio de solo vocabulario. Hic lingua es solo parte de latino. Ita qui cognosce lingua de Horatio, traduce sine difficultate Cornelio Nepote; sed studio de lingua de Nepote plus facile es quam studio de lingua de Horatio.

## HISTORIA

Quum plure populo es in reciproco contacto, per ratione de politica, scientia et commercio, semper se manifesta necessitate de inter-lingua.

Diverso populo, sub imperio Romano, adopta latino populaire, qui es latino cum simplificatione de caso (§ 1).

Populo Saxone, in contacto cum Anglo, forma lingua anglo moderno, qui contine simplificatione de caso (§ 1), de genere (§ 2), et in parte simplificatione de persona (§ 4) et de modo (§ 5). Lingua anglo tende ad perdita de omne flexione et ad monosyllabismo.

Multo auctore, in vario tempo, propone lingua plus vel minus artificiale.

Vir doctissimo, L. COUTURAT professore in Universitate de Toulouse, in libro *La Logique de Leibniz*, Paris a. 1901 p. 608, expone :

*Ars magna* de R. LULLE a. 1234-1315,  
*Ars magna sciendi* de KIRCHER a. 1669,  
*Ars signorum* de DALGARNO a. 1661,  
*Philosophical language* de WILKINS a. 1668.

Postea Leibniz diffuse et profunde stude hoc subjecto; sed nihil publica. Suo studio mane sepulto in bibliotheca de Hanover, usque ad nostro die; primo Dr Vacca in RdM., postea Couturat in libro citato detege et publica parte de hic manuscripto. Suo importantia magis pate, et denique L. COUTURAT publica « Opuscules et fragments inédits de Leibniz », Paris a. 1903, p. xvi-682 qui contine studio de Leibniz, summe praetioso per constructione de Vocabulario philosophico.

Vide quoque:

H. DIELS, *Ueber LEIBNIZ und das Problem der Universal-sprache*, Berlin Sitzungsberichte d. Akademie, a. 1899 p. 579.

Ipse prof. Couturat, labor ne-fatiga qui, hodie imprime novo libro, *Histoire de la langue universelle*, qui fore in commercio intra paucu die, ubi expone 56 projecto de lingua artificiale.

Me hic breve loque de magis noto.

SCHLEYER, parrocho, in anno 1881 publica « Volapük », qui es transformatione de lingua anglo, ut ipse dice.

Hic lingua regularisa declinatione de nomen, et conjugatione de verbo; sed introduce nullo simplificatione rationale, qui Leibniz propone. Volapük, post multo diffusione, mori in congresso de Paris, in anno 1889, ubi suo sectatore ex diverso natione inter se non intellige cum auxilio de Volapük.

ZAMENOF, doctore in medicina, in anno 1887, publica « Esperanto », qui contine simplificatione de genere (§ 2), de persona (§ 4). Sed non contine simplicatione de caso (§ 1), de numero (§ 3) et de modo (§ 5). Esperanto reduce toto grammatica ad 16 regula, de qui nullo es necessario.

Vocabulario de Esperanto, ut ille de Volapük, es in omne voce arbitrario. Ita qui stude Esperanto, stude novo lingua. Hic studio fore inutile, si hic lingua non fore internationale.

« Lingua » de HENDERSON es latino, cum substitutione de novo desinentia arbitrario.

Dr Gabriel ROSA simplifica idea de Henderson, et publica « Le nov-latin » (¹). Ille dice :

« Le nov-latin non requirer pro le sui adoption aliqui con-gress. Omnes poter, cum les praecedent regulas, scriber statim « ist lingua. ... Sic facient ils vol valide cooperar ad le universal « adoption de ist international lingua et simul ils vol poter « star legé ab un mult major numer de doctes quam si ils haber « scribē in quilibet alter vivent lingua ».

Ex hoc resulta quod Novlatin conserva paucu flexione (plurale in -s, 2 participio, ...), et es quam proximo ad “ lingua rationale ” de Leibniz et ad “ latino sine flexione ”.

(¹) *Bollettino dei Musei di Zoologia e Anatomia comparata della Regia Università di Torino*, a. 1890.

Quaestio de inter-lingua nihil habe hodie commune cum ideographia, qui nos adopta in « Formulario mathematico ».

Ideographia es synthese; cum auxilio de paucis idea primitivo, circa decem, ille compone idea complexo; ita *hodie* cum ideographia nos posse scribe toto mathematica, sed mathematica solo.

Lingua artificiale es analyse. Ille decomponit idea de lingua commune in alio idea plus simplice.

Si in futuro analyse et synthese invicem conveni, ut duo exercito de minatore, qui labora tunnel ex duo extremitate, tunc « Lingua rationale » et « Characteristica universale » de Leibniz fore idem.

#### TABULA

de publicationes recente super lingua internationale.

*Délégation pour l'adoption d'une langue auxiliaire internationale*, qui porta firma de numeroso scientiato de plure universitate, academia, repreasentante de societate philosophico, de commercio et de sport. Ipse delegatione declara:

« Lingua auxiliaria internationale debe satisfa ad conditione qui seque:

« 1. Ille posse servi ad relatione de vita sociale, de commercio, et de scientia et philosophia.

« 2. Omne homo, qui habe instructione elementare medio, facile disce hic lingua.

« 3. Hic lingua non es proprio ad aliquo natione. »

Prof. L. COUTURAT explica hic idea in opusculo: *Pour la langue internationale* a. 1901. Periodico *Revue des questions scientifiques*, Bruxelles a. 1902, t. 1, p. 547-586 reproduce scripto de Couturat, cum observatione de P. P. PEETERS. Couturat responde in t. 2, pag. 213-230. Nullo objectione de PEETERS vale per “*Latino sine flexione*”.

Prof. A. VALDARNINI de universitate de Bologna, *Necessità d'una lingua internazionale e lo studio del latino*, in “*Primo congresso internationale latino*”, Roma a. 1903.

Me puta quod idea de Leibniz, qui me hic expone in modo pratico, es solutione magis simplice de problema.

## PRINCIPIO DE PERMANENTIA

### Exercitio de Latino sine flexione

[ Omne vocabulo es inflexible.

Vocabulario latino commune, qui contine nominativo et genitivo de nomen, infinito de verbo, contine omne vocabulo de hic Nota, aut identico, aut cum abreviatione:

- a) Si termina in *-a*, muta *-a* in *-are*, vel in *-ari*, et es infinito de verbo.
- b) Si termina in *-e*, muta *-e* in *-ere*, vel *-i*, et es infinito de verbo ;  
vel muta *-e* in *-is* et es genitivo de nomen,  
» » » *-es* et es nominativo de nomen.  
In loco de *me*, *te*, quaere *ego*, *tu*.
- c) Si termina in *-i*, muta *-i* in *-ire*, vel *-iri*, et es infinito de verbo.
- d) Si termina in *-o*, muta *-o* in *-us* *-um* *-u*, et est nominativo de nomen,  
vel muta *-o* in *-i* et es genitivo de nomen.
- e) es quaere *sum*, *esse*. ]

Aliquo auctore introduce numero negativo, fracto et imaginario, ut applicatione de regula, qui ille dice “principio de permanentia „. Hic principio varia aliquanto prope diverso auctore.

Prof. SCHUBERT, in *Encyclopädie der Mathematischen Wissenschaften*, t. 1, p. 11, expone hic principio sub forma clara sed erroneo. Ille dice:

« *Princip der Permanenz* in viererlei besteht:

« erstens darin, jeder Zeichnen-Verknüpfung, die keine der bis dahin definierten Zahlen darstellt, einem solchen Sinn zu erteilen, dass die Verknüpfung nach denselben Regeln behahldert werden darf, als stellte sie eine des bis dahin definierten Zahlen dar;

« zweitens darin, eine solche Verknüpfung als Zahl im erweiterten Sinne des Wortes zu definieren und dadurch den Begriff der Zahl zu erweitern;

« drittens darin, zu beweisen dass für die Zahlen im erweiterten Sinne dieselben Sätze gelten, wie für die Zahlen im noch nicht erweiterten Sinne;

« viertens darin, zu definieren, was im erweiterten Zahlengebiet gleich, grösser und minor heisst ».

Versione:

« Principio de permanentia ex quatuor articulo consta:

« 1. ad omne signo-reunione (<sup>1</sup>) qui non represesta numero qui nos ante defini, nos tribue tale senso, ut nos posse tracta reunione juxta idem regula, velut si hic reunione represesta numero, qui nos ante defini;

« 2. nos defini hic reunione ut numero, in lato senso de vocabulo, et ita nos extende idea de numero;

« 3. nos demonstra quod per numero in lato senso omne theorema vale, ut per numero in non lato senso;

« 4. nos defini, quod in campo de numero lato nos voca aequale, maiore et minore ».

Si omne regula et omne theorema super numero in senso non lato subsiste super numero in senso lato, necesse es ut numero in senso lato es identico ad numero in senso non lato. Nam duo ente es inter se aequale, si omne proprietate de uno es quoque proprietate de alio. Hoc es ipse definitione de aequalitate:

« Eadem sunt quorum unum in alterius locum substitui potest, salva veritate » (Leibniz, vide Formulario § 2, P4:3) quod me traduce: « Plure ente es idem, si nos posse substitue uno de ille in loco de altero, et veritate (de propositione) es salvo ».

Quum nos trans-i ab uno specie de numero ad specie magis lato, semper debe omitte aliquo proprietate.

Relatione

$$a+b > a$$

es vero per numero absoluto, falso per numero cum signo.

Si nos trans-i ab numero imaginario simplice ad quaternione, nos omitte proprietate commutativo de producto.

Ergo definitione, qui nostro auctore da de 0, de numero negativo, de fracto, etc. basa super principio absurdo. Hic definitione non es legitimo.

Nos repeete idem critica ad *Elementare Arithmetik und*

(<sup>1</sup>) Vide « Latino sine flexione » § 7 j).

*Algebra* de ipse Prof. SCHUBERT (Leipzig a. 1899, pag. 33) qui enuntia ipse principio cum primo et secundo articulo.

HÄNKEL, *Theorie der Complexen Zahlensysteme*, Leipzig, a. 1867, quum nancisce « principio de permanentia de lege formale », dice in pagina 5:

« Wenn  $b > c$  ist... die Subtraction ist... unmöglich. Nichts hindert uns jedoch, dass wir in diesem Falle die Differenz  $(c-b)$  als ein Zeichen ansehen, welches die Aufgabe  $[(c-b)+b=c]$  löst und mit welchem genau so zu operiren ist, als wenn es eine numerische Zahl aus der Reihe 1, 2, 3... wäre ».

Versione: « Si  $b > c$  es, subtractione es ne-possible. Nihil obsta tamen, quod nos in hic caso considera differentia  $(c-b)$  ut signo, qui resolve quaestio, et cum qui exacte nos debe opera, ut si ille numero ex serie 1, 2, 3... es ».

Contra hic modo de ratiocinio Gauss antea dice:

« Quodsi quis dicat, triangulum rectilineum aequilaterum rectangulum impossibile esse, nemo erit qui neget. At si tale triangulum impossibile tanquam novum triangulorum genus contemplari, aliasque triangulorum proprietates ad illud applicare voluerit, ecquis risum teneat? Hoc esset verbis ludere seu potius abuti ». (Formul. pag. 219). Versione:

« Si aliquo dice quod triangulo rectilineo aequilatero rectangulo impossibile es, nemo tunc es qui nega. Sed si aliquo velle contempla tale triangulo impossibile tanquam novo generere de triangulo, et applica ad illo omne alio proprietate de triangulo, an qui tene riso? Hoc es lude cum verbo, vel potius abute ».

Prof. CHRISTAL, *Algebra*, Edinburgh a. 1889; p. 6, re-dice idea de Hankel:

« Assuming that the quantity  $+a-b$  always exists, we may show that the laws of commutation and association hold ».

Versione:

« Si nos assume quod quantitas  $+a-b$  semper existe, posse monstra quod lege de commutatio et associatio mane ». (<sup>1</sup>)

Hoc es, si nos assume absurdo, non solo nos posse deduce

(<sup>1</sup>) Nota analogia grammaticale de « show » cum « monstra ».

lege de commutatione, sed omne lege qui nos velle, nam ex absurdo omne consequentia deriva.

Non sub forma de principio absoluto, sed sub forma de consilio, lice quod nos dice:

« Quum nos introduce novo calculo, es multo utile quod nos sume nomenclatura et notatione ita ut novo calculo fie quam maxime simile ad calculo antiquo ».

Me dice « quam maxime simile », nam « identico » es absurdo.

Ita Algebra, qui indica cum idem signo +,  $\times$ , =... operazione non solo inter numero integro, sed etiam inter fracto, es magno progresso super longo methodo de antiquo graeco; Algebra reduce toto libro X de Euclide, noto per magnitudine et difficultate, ad uno pagina, qui professore sole doce in uno lectione in Instituto tecnico <sup>(1)</sup>.

In saeculo ultimo plure auctore indica cum idem signo +, sive summa de algebra, sive resultante de vectore, et ita construe Calculo geometrico, qui in respecto ad Geometria, es idem progresso quam Algebra in respecto de Arithmetica graeco.

Tunc principio de permanentia idem es ac principio generale de oeconomia, qui subsiste in linguistica, didactica et politica, ut demonstra E. MACH, in capitulo de « natura oeconomico de progresso physico » de *Populär Vorlesungen*, Leipzig a.1903.

---

(1) Formul. p. 111.

Cavoretto (Torino), 27 Augusto 1903.

G. PEANO.